

**Danmarkip killeqarfiisa iluanni aamma Kalaallit Nunaata sineriaani  
imaani angallatit mikinerusut inuussutissarsiummut atorneqartut  
aamma Kalaallit Nunaanni aalisariutit 12 tikillugit ilaasoqarsinnaasut  
inuttaasa amerlassusissaat pillugu nalunaarut**

Umiarsuit inuttaat pillugit inatsimmi § 4, imm. 2, § 18, imm. 2 aamma § 27, imm. 3, tak. inatsimmik nalunaarut nr. 168, 27. februar 2012-meersoq, inatsisikkut nr. 478, 30. maj 2012-meersukkut allangortinneqartoq aamma umiarsuarni inuttat pillugit inatsisip Kalaallit Nunaanni atortuulersinneqarnissaanik peqqussummi nr. 608, 25. juni 2001-meersumi § 4, imm. 2, § 18, imm. 2 aamma § 27, imm. 2 naapertorlugit aamma Namminersorlutik Oqartussat isumasioreerlugit kingornalu piginnaatitaalernikkut makku aalajangersarneqarput:

**Kapitali 1**

*Aalajangersakkat nalinginnaasut*

**§ 1.** Inuttat amerlassusissaat atuuppoq naalagaaffiup iluani ilaasunik umiartuussinermi inuussutissarsiummut atorneqartunut aamma Kalaallit Nunaanni aalisariutinut 12 tikillugit ilaasoqarsinnaasunut 15 meter inorlugu takissusilinnut aamma kisitsit 100 ataallugu angissusilittut Meddelelser fra Søfartsstyrelsen F-imi pineqartunut kiisalu angallatinut inuussutissarsiummut atorneqartunut kisitsit 20 ataallugu angissusilinnut.

*Imm. 2.* Inuttat amerlassusissaat aammattaq atuuppoq angallatinut qisummik sanaajusunut pisariitsumik sananeqaatilinnut, matumani vikingit umiarsuaat aamma angallatit mekanikkimik ingerlatillit ilanngullugit eqqarsaatigalugit.

*Imm. 3.* Inuttat amerlassusissaat atuuppoq umiartuussinernut inuussutissarsiummik ingerlataqarnermut ilaatinneqartunut.

**Kapitali 2**

*Angallatit kisitsit 20-nik ikinnerusunillu angissusillit*

**§ 2.** Angallatini imm. 1-imi pineqartuni inuttat ikinnerpaamik marluussapput angallat kisitsit 20-nik qaangerluguluunniit angissuseqarpat, taamaattorli tak. § 7.

*Imm. 2.* Angallat inuussutissarsiummut atorneqartoq alla ingerlaqatigalugu angallat pineqartoq atorneqarpat imaluunniit pissutsit malillugit inuttat ilaasullu namminneerlutik nunamut annassinnaappata, inuttaq ataasiusinnaavoq.

§ 3. Angallammik inuussutissarsiummut atorneqartumik § 1-imi taaneqartumik naalagaq minnerpaamik imaani inuussutissarsiummut atorsinnaassusermik uppernarsaammik umiarsuarni niuernermi assartuutitut atuuttumik peqassaaq.

*Imm. 2.* Imaani inuussutissarsiorsinnaanermik uppernarsaat imm. 1-imi pineqartoq taarserneqarsinnaavoq imaani inuussutissarsiorsinnaanermik immikkut ittumik uppernarsaammik killilimmik piginnaatitsissutitalimmik<sup>1)</sup> umiarsuarni niuernermi assartuutit imaluunniit umiarsuarni aalisariutini atorsinnaassusermik atuagarsornikkut angusisimanermut uppernarsaat tunuliaqutaralugu Søfartsstyrelsimi pilersinneqarsimasumik, aamma

- 1) angallammi assingusumi ikinnerpaamik qaammatini pingasuni umiartorsimanermik, angallammi qatserutinik atuinissamik ilitsersorneqarsimanermik aamma ilinniarfimmi Søfartsstyrelsimi akuerisami imaani isumannaatsuunissamik tunngaviusumik pikkorissarsimanermik, imaluunniit
- 2) inummit Søfartsstyrelsimi akuerisamit angallamik akunnisiusinnaanermik motorilerinermillu annerusumik misilitsinnermik angusisimanermik, angallammi qatserutit atornissaannik ilitsersorneqarsimanermik aamma ilinniarfimmi Søfartsstyrelsimi akuerisaasumi imaani isumannaatsuunissamik tunngaviusumik pikkorissarsimanermik.

*Imm. 3.* Imaani inuussutissarsiorsinnaanermik uppernarsaatip imm. 1-imi imaluunniit imm. 2-mi pineqartut saniatigut naalagaq makkuninnga pigisaqassaaq

- 1) angallat pineqartoq radioqarpat GMDSS-imi radiolerisutut minnerpaamik ROC-mut allagartamik atuuttumik. Angallat VHF-radiomik angallattakkamik kisiat atortulersugaappat, taava SRC-mik
- 2) angallammi katsorsaataasivik atorlugu katsorsaasinnaasutut allagartamik atuuttumik, tak. umiarsuarni katsorsaasinnaasutut (De maritime sundhedsuddannelser) ilinniartitaasimanermik aamma pikkorissuseqarnermik uppernarsaat pillugu nalunaarut nr. 1550, 17. december 2007-imeersoq. Angallammi pineqartumi nakorsaataasivik pillugu piunasaqaatinik peqanngippat, Dansk Førstehjælpsrådip nassuiaatigisaatut uummarsaanermik akunnattumik qaffasissusilimmik akuerisaasumillu naalagaq pikkorissarsimassaaq
- 3) umiartortut aalisartullu angallammi killeqartitaanngitsumik sulisinnaassusillit nasittullu peqqissutsimut uppernarsaammik peqassapput.

*Imm. 4.* Naalagaq aammattaaq oqartussaassuseqassaaq aamma angajoqqaat sinnerlugit akisussaaneq pillugu inatsimmi § 5 malillugu akisussaaffeqassanani imaluunniit angajoqqaat sinnerlugit akisussaaneq pillugu inatsimmi § 7 malillugu akisussaaqataassanani.

*Imm. 5.* Angallatini atorsinnaassusermik misilitsinneq imm. 2-mi taaneqartoq yachtskipperit 3. gradimik qaffasinnerusumilluunniit angusilluni soraarummeersimanermik taarserneqarsinnaavoq.

*Imm. 6.* Kalaallit Nunaanni § 1-imi taaneqartutut aalisariummi naalagaq aalisariutini bedstemanditut uppernarsaammik atuuttumik pigisaqassaaq imaluunniit imm. 1-imi 2-miluunniit taaneqartut naammassisimassallugit, taamaattorli tak. imm. 9.

*Imm. 7.* Angallammik 100 kW-imik sinnerluguluunniit ingerlatilimmik naalagaq imm. 2-mik naammassinnissimanermi saniatigut imm. 2-mi oqaaseqatigiit aappaanni taaneqartunik imaani ingerlaartilluni annertunerusumik akunnisiuisinnaannermit aamma annertunerusumik motorilerisinnaanermut angusilluni misilitsissimassaaq, taanna umiarsuarnut niuernermi assartuutini atorsinnaassusermik uppernarsaammik atuuttumik imaluunniit aalisariutini bedstemanditut qaffasinnerusumilluunniit uppernarsaammik atuuttumik peqanngippat.

*Imm. 8.* Angallat 100 kW-imik sinnerluguluunniit, kisianni 750 kW ataallugu ingerlateqarpat motorilerinermut atorsinnaassuseqarnermik uppernarsaatilimmik issimasoqassaaq. Taanna angallammi taamatut atuuffimmi saniatigut allamik atorfeqaatigisinnaavoq. Angallatini 100 kW sinnerluguluunniit ingerlatilinni motorilerinermut atorsinnaassusermik uppernarsaammut taarsiullugu angallatip inuttaaffigisap motorianik ingerlatsinermut, aserfallatsaaliinermut isumannaatsuutitsinermullu ilinniartinneqarsimaneq sungiusarneqarsimanerlu Søfartsstyrelsip akuerisinnaavaa.

*Imm. 9.* Angallatini naalakkat Kalaallit Nunaanni angerlarsimaffillit peqqissuunissamik uppernarsaat pillugu imm. 3-mi nr. 4-mi piumasagaat naammassisimasusaanngilaat. Tamatumunnga taarsiullugu nakorsamit misissortittarnissat il.il. pillugit Namminersorlutik Oqartussat malittarisassiorsinnaapput.

§ 4. Angallatini inuussutissarsiummut atorneqartuni<sup>2</sup> inuttap aappaa, tak. § 1, tassaassaaq:

- 1) annanniarnissamut angallatip periarfissaanik aamma ikuallannernik qamiterutaanik passussinermik angallammi ilitserorneqarsimasoq,
- 2) angallatip akunnisiuinissaanik ilitserorneqarsimasoq,
- 3) umiartortut aalisartullu peqqissuunissaannik uppernarsaammik, Umiartortut aalisartullu angallammi killeqartitaanngitsumik sulisinnaassusillit nasittullu peqqissutsimut uppernarsaataannik pigisalik, aamma
- 4) oqartussaassusilik.

*Imm. 2.* Angallani Kalaallit Nunaanni angerlarsimaffilinni inuttat peqqissuunissamik uppernarsaat pillugu imm. 1, nr. 3-mi piumasagaatit naammassisimasariaqanngilaat. Tamatumunnga taarsiullugu nakorsamit misissortittarnissat il.il. pillugit Namminersorlutik Oqartussat malittarisassiorsinnaapput.

§ 5. Misilitsinnissaq Søfartsstyrelsip akuersissutigisinnaavaa, tak. § 3, imm. 2, nr. 2.

*Imm. 2.* Akuerineqarsinnaapput

- 1) ataatsimut isigalugu suliatigut misilitsinnermit qaffasinnerusumik sumiissusersiortutut ilinniagaqarsimasut,
- 2) ilinniakkamut naleqquttumik misilittagallit,
- 3) suliatigut ataatsimik arlalinnilluunniit misilitsissimasut,
- 4) suliatigut misilitsitsinissamut piukkunnassuseqarnermik Søfartsstyrelsimi umiarsuarnik nakkutilliisuutitamut takutitsimasoq, aamma

- 5) imarsiornermi suliatigut misilitsissimanermut akiusussaanermik sillimmasiisummik atuuttumik pigisalik.

*Imm. 3.* Sulianik misilitsitsinissamut aamma misilitsissimasut uppernarsaataannik qinnuigineqarnikkut Søfartsstyrelsimut tunniuneqartussanik sivikinnerpaamik ukiumi ataatsimi toqortarinninnissamik Søfartsstyrelsip malittarisassiai sulianik misilitsitsisut malissavaat.

### Kapitali 3

#### *Angallatit kisitsit 20 inorlugu angissusillit*

**§ 6.** Angallatini inuussutissarsiummut atorneqartuni<sup>3)</sup> kisitsit 20 ataallugu angissusilinni inuttaq ikinnerpaamik ataasiussaaq, taamaattorli tak. angallammi naalagaq minnerpaamik:

- 1) umiartornermik naleqquttumik misilittagaqassaaq aamma angallatip pineqartup atorneratigut isumannaatsuunissap nalilerneqarnera tunngavigalugu makku pisarialimmik ilisimasaqarfigilersimassallugit:
  - a) Imaatigut angallannermi malittarisassat,
  - b) Umiartorfigisartakkani sumiissusersiorneq,
  - c) Ikuallannissamik pinaveersaartitsineq aamma qatserinermi atortut, angallatip qatserutaasa atornissaannik aamma passunnissaannik sungiusarneqarsimaneq ilanngullugit eqqarsaatigalugit,
  - d) Angallatip pertujaassusia,
  - e) Imaani isumannaatsuussuseq,
  - f) Imaani avatangiisinik innarlitsaaliuineq aamma
  - g) Angallatit mikinerusut maskiinaat.
- 2) angallat radioqaqqusaappat GMDSS-imik minnerpaamik ROC-imik radiolerisinnaasutut allagartamik atuuttumik peqassaaq. Angallat VHF-radiomik angallattakkamik kisiat atortuligaappat, taava SRC-mik.
- 3) katsorsaasinnaannermik allagartamik peqassaaq, tak. umiarsuarni angallatinilu napparsimasunik katsorsaanissamut ilinniartitaaneq aamma pikkorissutsimut allagartaqarneq pillugit nalunaarut nr. 1550, 17. december 2007-imeersoq (Imaani peqqissaanissamik ilinniartitaanerit – De maritime sundhedsuddannelser) angallammi nakorsaataasiveqaqqusisoqarpat. Angallammi pineqartumi nakorsaataasivik pillugu piunasaqaatinik peqanngippat, Dansk Førstehjælpsrådip nassuiaatigisaatut uummarsaanermik akunnattumik qaffasissusilimmik akuerisaasumillu naalagaq peqassaaq
- 4) oqartussaassuseqassaaq aamma angajoqqaat sinnerlugit akisussaaneq pillugu inatsimmi § 5 malillugu akisussaaffeqassanani imaluunniit angajoqqaat sinnerlugit akisussaaneq pillugu inatsimmi § 7 malillugu akisussaaqataassanani.

*Imm. 2.* Angallatinik inuussutissarsiummut atorneqartunik pingasunik amerlanerusunilluunniit ingerlaaqateqarnermi angallatini ingerlaaqatigiinni ikinnerpaamik katillugit inuit marluk imm. 1-imi piunasaqaatit naammassisimassavaat.

*Imm. 3.* Angallat 100 kW-imik sinnerluguluunniit, kisianni 750 kW ataallugu, ingerlateqarpat inuttat ikinnerpaamik marluussapput. Angallatip naalagaata § 3-mi piumasaqaatit naammassisimassavai inuttallu aappaata § 4-mi piumasaqaatit. Aammattaaq angallammi inoqassaaq ataatsimik motorilerinermut atorsinnaassusermik misilitsinnermut angusisimasumik imaluunniit motorip typep pineqartup atornissaanik ilitsersorneqarsimasumik sungiusarneqarsimasumillu. Inuuk taanna angallammi allamik atorfeqaatigisinnaavoq.

*Imm. 4.* Angallatini inuussutissarsiummut atorneqartuni inuttap aappaa, tak. § 6, imm. 3:

- 1) angallatip annanniutaannik qatserutaanillu passussinermik angallammiitsilluni ilitsersorneqarsimassaaq,
- 2) angallatip akunnisiuinissaanik ilitsersorneqarsimassaaq,
- 3) oqartussaassuseqassaaq.

#### Kapitali 4

##### *Angallatit inuuniutigalugu umiartornissamuinnaq sungiusaatitut atorneqartartut*

**§ 7.** Angallatit inuuniutigalugu umiartornissamuinnaq sungiusaatitut atorneqartartut ikinnerpaamik ataatsimik inuttaqassapput, taamaattorli tak. imm. 2. Angallatip naalagaa umiartornermik ilitsersuisinnaasutut angallammik piginnittumit toqqarneqarsimassaaq minnerpaamillu sungiusaanermut pineqartumut naapertuuttumik pikkorissuseqassalluni.

*Imm. 2.* Angallatinik inuussutissarsiummut atorneqartunik pingasunik amerlanerusunilluunniit ingerlaaqateqarnermi angallatini ingerlaaqatigiinni ikinnerpaamik katillugit inuit marluk imm. 1-imi piumasaqaatit naammassisimassavaat.

#### Kapitali 5

##### *Inatsisip atuutilerfia aamma ikaarsaariarnermi aalajangersakkat*

**§ 8.** §§ 2-4-nik aamma 6-7-inik unioqqutitsisoq akiliisitaanermik pineqaatissinneqassaaq.

*Imm. 2.* Ingerlatseqatigiiffiit il.il. (inatsisitigut aqutsisut) pineqaatissiisarneq pillugu inatsimmi kapitali 5-imi malittarisassat malillugit pineqaatissinneqarnissamut akisussaatinneqarsinnaapput.

**§ 9.** Nalunaarut manna atuutilerpoq 1. oktober 2012.

*Imm. 2.* Angallatit usisarfillit 20 bruttotonnage ataallugu angissusillit aamma aalisariutit 15 meter ataallugu angissusillit Danmarkip killeqarfiata iluani ilaasut 12 tikillugit angalassisartut, tak. nalunaarut nr. 12130, 10. august 2001-meersoq, inuttaasa amerlassusissaannik aalajangersagaq nr. 1, atorunnaarpoq.

**§ 10.** Angallatini inuussutissarsiummut atorneqartuni Kalaallit Nunaanni angerlarsimaffilinni inuit §§ 3-mi imaluunniit 6-imi piumasaqaatinik naammassinninngitsut, nalunaarutilli atuutilernerani angallatini aalajangersakkani taakkunani pineqartuni ukiut kingulliit tallimat ingerlaneranni

sivikinnerpaamik ukiumi ataatsimi naalagaasimanerminnik uppersaasinnaasut angallammi  
inuussutissarsiummut atornerqartumi 1. august 2014 tikillugu naalakkatut ingerlaannarsinnaapput.

*Søfartsstyrelsen, ulloq 28. September 2012*

PER SØNDERSTRUP

/ Benny Gade Matsumoto-Hansen